



ЫНТЫМАҚТАСТЫҚ ТУРАЛЫ ШАРТ

« 15 » _____ 01 _____ 2024 ж.

Бұдан әрі «1-Тарап» деп аталатын «**Батыс Қазақстан инновациялық-технологиялық университеті**» жеке жоғары кәсіптік білім беру мекемесі атынан Жарғы негізінде әрекет ететін ректор Шакешев Бекболат Теміржанұлы бірінші жақтан және бұдан әрі «2-Тарап немесе Серіктес жоғары оқу орны» деп аталатын «**Ш. Есенов атындағы Каспий технологиялар және инжиниринг университеті**» (Yessenov university) коммерциялық емес акционерлік қоғамы атынан Жарғы негізінде әрекет ететін Президент-ректор Ахметов Берік Бақытжанұлы екінші жақтан, бірлесіп «Тараптар» деп атала отырып, төмендегі мазмұндағы осы Шартты жасасты:

1. ШАРТТЫҢ МӘНІ

1.1. Шарттың мәні Тараптардың білім беру және ғылыми қызмет саласындағы ынтымақтастығы, сондай-ақ озық тәжірибені пайдалану және ғылыми әзірлемелерді оқу үдерістеріне енгізу, академиялық және ғылыми байланыстар орнату, ғылыми әлеуетті дамыту және теңдік, өзара тиімділік, өзара түсіністік, құрмет пен сенім қағидастары негізінде мамандарды кәсіби даярлаудың жоғары сапасын қамтамасыз ету болып табылады.

2. ШАРТТЫҢ МАҚСАТЫ

2.1. Осы Шарттың мақсаты Тараптар арасында ғылым мен білім саласында және өзара қызығушылық тудыратын салаларда өзара тиімді ұзақ мерзімді ынтымақтастық орнату болып табылады.

3. ЫНТЫМАҚТАСТЫҚТЫҢ НЕГІЗГІ БАҒЫТТАРЫ

3.1. Осы Шартты іске асыру мақсатында Тараптар ынтымақтастықтың келесі бағыттарын айқындайды:

- тиісті білім беру бағдарламаларының топтары бойынша профессор-оқытушылар құрамымен, докторанттармен, магистранттармен және студенттермен академиялық алмасу: 6B042 Құқық, 6B071 Инженерлік іс және инженерия, 6B072 Өндірістік және өндеу салалары, 6B073 Сәулет және құрылысы, 6B075 Стандарттау, сертификаттау және метрология (сала бойынша), 6B113 Көлік қызметкері, 6B061 Ақпараттық-коммуникациялық технология, 6B011 Педагогика және психология, 6B013 Пәндік мамандандырылмаған мұғалімдерді даярлау, 6B016 Гуманитарлық пәндер бойынша мұғалімдер даярлау, 6B017 Тілдер және әдебиет бойынша мұғалімдерді даярлау, 6B041 Бизнес және басқару, 6B014 Жалпы дамудың пәндік мамандандырылған мұғалімдерін даярлау; 7M011 Педагогика және психология, 7M017 Тілдер және әдебиет бойынша педагогтарды даярлау, 7M041 Бизнес және басқару.



- ғылыми кеңесшілерді магистранттар мен докторанттарды ғылыми-зерттеу жұмысына тарту;
- жоғарыда аталған бакалавриат, магистратура және докторантура білім беру бағдарламаларының топтары бойынша ғылыми алмасу;
- ғылым мен өндірістің өзекті бағыттары бойынша бірлескен ғылыми-зерттеу және тәжірибелік-конструкторлық жобаларды (бағдарламаларды) жүргізу;
- оқытушылардың, докторанттардың, магистранттардың ғылыми мақалаларын халықаралық деректер базасында индекстелетін басылымдарда және ҚР ҒжЖБМ ҒжЖБССҚЕК ұсынған журналдарда жариялауға жәрдемдесу;
- симпозиумдар, семинарлар, ғылыми-практикалық конференциялар, дөңгелек үстелдер, телекөпірлер және т. б. ұйымдастыру және өткізу;
- оқу және оқу-әдістемелік әдебиеттерді бірлесіп әзірлеу;
- бакалаврларды, магистрлерді, PhD докторларды және бейін бойынша докторларды даярлау негізінде бірлескен оқыту және тәжірибе алмасу;
- Тараптар базасында докторанттар мен магистранттар және студенттердің тағылымдамадан және кәсіби практикадан өтуі;
- профессор-оқытушылар құрамы мен қызметкерлерінің біліктілігін арттыру;
- осы Шарт шеңберінде ЖОО қызметі туралы жұртшылықты хабардар ету.

4. ТАРАПТАРДЫҢ ӨЗАРА ҚАРЫМ-ҚАТЫНАСТАРЫ, ҚҰҚЫҚТАРЫ МЕН МІНДЕТТЕРІ

- 4.1. Тараптар бір-біріне оқытушыларға, студенттерге, магистранттарға, докторанттарға дәрістер мен семинарлар өткізу, сондай-ақ ғылыми зерттеулер жүргізу үшін база ұсынады;
- 4.2. Тараптар келісілген тақырыпқа сәйкес ғылыми зерттеулер мен ғылыми-әдістемелік жұмыстарды жүргізуге өзара көмек көрсетеді;
- 4.3. Тараптар серіктес ғалымдарды бірлескен ҒЗЖ орындауға, ұжымдық ғылыми-әдістемелік жұмыстарды дайындауға тартады;
- 4.4. Тараптар басылымдарды ғылыми редакциялауға, сондай-ақ магистранттардың, докторанттардың және серіктес қызметкерлерінің жұмыстарына рецензиялауға қатысады;
- 4.5. Тараптар әріптестің білім алушылары мен қызметкерлеріне қатысу құқығын бере отырып, өткізілетін өңірлік, республикалық және халықаралық конференциялар туралы бір-бірін хабардар етеді;
- 4.6. Тараптар серіктес жоғары оқу орындары базасында ғылыми-педагогикалық кадрларды кәсіби даярлау және қайта даярлау мүмкіндігін ұсынады.

5. ДАУЛАРДЫ ШЕШУ ТӘРТІБІ

- 5.1. Осы Шарт бойынша туындауы мүмкін барлық даулар мен келіспеушіліктерді Тараптар келіссөздер жолымен шешуге міндеттенеді.
- 5.2. Тараптар шартты орындауға немесе түсіндіруге қатысты туындауы мүмкін мәселелер шеңберінде кеңестер өткізе алады.



6. ШАРТТЫҢ ҚОЛДАНЫЛУ МЕРЗІМІ

6.1. Шарт мемлекеттік (қазақ) тілде, екі данада әр Тарап үшін бір данадан жасалды.

6.2. Осы Шарт Тараптар қол қойған сәттен бастап күшіне енеді және 5 (бес) жыл бойы әрекет етеді. Егер Тараптардың ешқайсысы осы Шартты бұзуға ниет білдірмесе және бұл туралы екінші Тарапқа жазбаша хабарламаса, осы Шарт келесі 5 (бес) жылға ұзартылады.

7. ҚОРЫТЫНДЫ ЕРЕЖЕЛЕР

7.1. Тараптардың бірлескен іс-шараларды (бағдарламаларды), сондай-ақ осы Шарт шеңберіндегі басқа да міндеттемелерді іске асыру жөніндегі қаржылық өзара қарым-қатынастары осы Шарттың ажырамас бөлігі болып табылатын қосымша шарттарда (келісімдерде) айқындалатын болады.

7.2. Осы бірлескен қызмет туралы шартта көзделмеген басқа да мәселелер бойынша Тараптар Қазақстан Республикасының қолданыстағы заңнамасын басшылыққа алады.

7.3. Осы Шартқа Тараптар тараптардың өзара келісімі бойынша толықтырулар мен өзгерістер енгізе алады.

8. ТАРАПТАРДЫҢ ЗАҢДЫ МЕКЕНЖАЙЛАРЫ МЕН ҚОЛДАРЫ

«Батыс Қазақстан инновациялық-технологиялық университеті»
ЖЖКББМ
Қазақстан Республикасы, 090000
Орал қ., Н. Назарбаев даңғылы, 208
8 (7112) 50-99-90;
reception@wkitu.kz

«Ш. Есенов атындағы Каспий технологиялар және инжиниринг университеті» КеАҚ
Қазақстан Республикасы, 130000
Ақтау қ. 32 шағын аудан,
+7 (7292) 788 7888
Info@yu.edu.kz
admission@yu.edu.kz



Ректор

Б.Т. Шакешев

(мөр орны)



Президент-ректор

Б.Б. Ахметов

(мөр орны)